

欽定八旗通志卷一百七十八

人物志五十八

大臣傳四十四

滿洲鑲藍旗一 安費揚古 固
三 喀山 沙爾瑚達 穆克

坦 武巴海

舒賽 瑚什布 席特庫 巴泰

愛音達穆

都爾德

安費揚古

子達爾岱

安費揚古姓覺爾察世居瑚濟賽後隸滿洲鑲藍

旗父完布祿事

太祖高皇帝章嘉及尼瑪蘭二族誘之叛不從又劫其孫

以要之終無貳志安費揚古自少從

太祖征伐癸未年八月

太祖以薩爾濟城長諾密納陰附尼堪外蘭執而誅之

命安費揚古帥兵取其城兆嘉城長理岱導哈達兵却瑚

濟寨旣去安費揚古方獵聞之帥十三人疾追斬

四十人盡獲所掠以歸甲申年正月從征兆嘉城

獲李岱其黨理固哩扎親走附旺泰奉

命往招並旺泰降之六月從征瑪爾墩寨寨踞山巔進攻

三日矢石交下不能克安費揚古夜帥兵從間路
攀崖上拔之丁亥年六月

太祖征哲陳部八月征洞城明年九月征完顏城皆從尋
攻克章嘉尼瑪蘭赫徹穆等城又取香潭寨其長
理敦拜瑚遁追及於碩郭之陽擒以獻癸巳年六
月從征哈達克其富勒佳齊寨師還

太祖親殿敵潛躡焉有數騎突前勢甚急安費揚古遮擊
皆斬之九月隨大軍擊敗葉赫等九國兵閏十二

月同額亦都等討訥殷部克佛多和山寨斬其長
數穩色克什巳亥年九月從

太祖滅哈達辛亥年七月奉

命征東海窩集部與台吉阿巴泰等取烏爾固宸穆稜二

路癸丑年正月

太祖征烏拉安費揚古帥師薄城執大纛先登天命元年

同扈爾漢征薩哈連部至烏勒簡河取河南北諸

寨八月師次黑龍江江水常以九月始冰是時中

流忽結冰若浮梁約廣六十步安費揚古曰此天
佑我

國也策騎先涉衆從之遂取江北十一寨復招庫使
大諾囉錫喇忻諸部三年四月大軍下撫順明總
兵張承蔭等赴援分營爲三安費揚古擊其左營
大破之復同額亦都攻克馬哈丹花豹衛三分其
諸堡四年破明經畧楊鎬兵滅葉赫六年取濟陽
遼陽安費揚古皆在事有功

太祖常嘉其鷁勇

賜號碩翁科囉巴圖魯

命爲一等大臣佐理國事居五大臣之列七年七月卒年六十有四順治時追謚敏壯子八人第六子曰達爾岱天聰五年任鑲藍旗叅領從征大凌河守賊家堡崇德時從征朝鮮攻明錦州寧遠皆有功順治二年授雲騎尉世職七年以追叙安費揚古功晉職一等輕車都尉世襲罔替康熙五十一年

聖祖仁皇帝念安費揚古爲開國勲臣復

賜三等輕車都尉世職令其裔孫明代分襲焉

固三泰

子明阿圖孫賽弼翰

固三泰姓納喇葉赫貝勒錦台什同族

太祖高皇帝時率屬來歸隸滿洲鑲藍旗任佐領尚公主
封固倫額駙從大軍征明廣寧單騎入敵陣身被
數創戰愈力大軍繼之遂敗敵兵優加男爵

太宗文皇帝御極設八大臣以固三泰爲鑲藍旗都統天

聰元年三月隨大貝勒阿敏征朝鮮有功四月凱旋

上郊勞之優以殊禮三年

上親統大軍征明攻遵化固三泰率本旗兵於城西南隅攻克之明年大軍取永平明兵潰走昌黎

上遣敖漢柰曼巴林扎魯特兵攻其城不克

命固三泰同都統達爾漢等率兵往助尋遣人以城守堅還奏奉

諭撤兵因焚其近城廬舍而還復受

上方畧征灤州先令叅領高鴻中庫爾禪率十人誘敵啓
門大軍遂入城籍其倉庫銀穀以

聞五年

上幸文館閣館臣達海所譯武經因

諭羣臣曰古來爲將帥者必體恤士卒朕聞額駙固三泰
與敵交鋒士卒有戰死者嘗以繩繫其足曳歸輕其士
卒若此何以得其死力乎尋以固三泰不能鈴束士卒

不諳機務

命解都統任九年

詔免功臣徭役固三泰與焉並增

賜人戶俾專管佐領事

世祖章皇帝定鼎燕京

加恩優賚尋卒子明阿圖初任佐領大軍入關時明阿圖

署副都統督兵殿後有功順治二年授雲騎尉世

職任都察院理事官四年考滿晉騎都尉六年授

鑲藍旗蒙古副都統兩遇

恩詔晉二等輕車都尉八年二月卒長子關柱襲職次子
賽弼翰初爲簡親王濟度護衛

聖祖仁皇帝康熙四年授護軍叅領十三年隨護軍統領
瑚里布討逆藩吳三桂由陝西進四川攻克陽平
關及朝天關趨保寧叛鎮吳之茂王輔臣糾賊阻
鑲道乃退駐西安十四年隨瑚里布攻復秦州十
五年王輔臣降師旋賽弼翰得

欽定四庫全書
卷一百一十一
優賚十七年海賊鄭錦犯福建陷海澄長泰

詔增遣八旗兵赴福建以賽弼翰爲營長同諸叅領率之
往十八年賊將劉國軒吳淑何祐等犯漳州結壘
郭塘歐溪頭來奪江東橋賽弼翰隨平南將軍賚
塔進戰連挫賊衆毀其壘殲殪無算二十年隨賚
塔由廣西征雲南討逆賊吳世璠敗賊將何繼祖
等於石門坎黃草壩遂會四川貴州兩路兵平定
雲南二十三年擢蒙古鑲藍旗副都統二十四年

調本旗滿洲副都統二十五年叙功授騎都尉世職二十九年十一月卒

予祭葬如典禮子伊增額襲職

喀山 子納海

喀山姓納喇世居葉赫部之蘇完當葉赫未滅時挈家屬來歸隸滿洲鑲藍旗

太祖高皇帝以其才可用授佐領屢從征明取瀋陽遼陽並有功予三等輕車都尉世職天命九年明總兵

毛文龍以守備二員率兵百人來奪額駙康果禮屯莊喀山領所部禦擊斬二守備殲其衆

太宗文皇帝天聰六年從征察哈爾同前鋒統領勞薩叅領吳拜等率精銳先驅察哈爾林丹汗竄遁八年追叙禦擊毛文龍部衆功晉爵三等男時以目失明辭佐領任順治二年

世祖章皇帝念其舊勞晉爵一等男三遇

恩詔晉二等子十二年十月卒

賜祭葬立碑謚曰敏壯子納海初以喀山病目

命代管佐領事旋授前鋒叅領天聰八年從征明大同與

前鋒叅領席特庫等率四十人擊敗陽和敵騎斬

級二百獲馬六十餘復設伏宣府擒敵哨騎九年

大軍復征大同納海奉

命率兵駐上都城舊址偵軍事迎奏捷使以借還尋同叅

領鄂莫克圖等齎書

諭明喜峯口潘家口董家口諸守將及還斬邊界哨卒百

餘俘一人崇德二年同席特庫齋書

諭明總兵祖大壽自廣寧入邊擒哨卒十二斬其九縱二人使齎

諭至錦州以一人歸四年隨武英郡王阿濟格征明錦州以攻兄臺堡及俘獲之數還奏旋從

上征松山明兵出城迎戰擊卻之祖大壽遣援兵自寧遠乘船趨杏山將入城納海同前鋒叅領瑚密色索渾率兵衝擊其後斬五十人獲甲四十及船一旋

與瑚密色等自松山畧杏山獲牛三十九羊三百
餘復同前鋒統領席特庫畧錦州郊外擒斫木燒
炭者二十二人獲馬羸牛無算五年大軍圍錦州
敵出城築臺納海同前鋒叅領色赫布丹蘇爾德
馳擊斬四十人復追斬出城刈草者四十二人敵
以三百騎一再來犯並擊之遁尋與色赫等往小
凌河遇祖大壽所遺蒙古十七人自錦州至皆斬
之六年明總督洪承疇集援兵次松山納海同前